

۱۰ ذی الحجه ۱۳۳۰

چهارشنبه

۷ تشرین ثانی ۱۳۲۸

نومرو ۱۰ — ۲۴

نسخه سی ۲۰ پاره در



امور اداره و تحریریه و اعلانات و سائرہ ایچون مدیر
مسئولہ مراجعت ایدملیدر .

آبونہ سی بر سنہ لك اعتباریلہ ممالك عثمانیہ ایچون
۱۴ و ممالك اجنبیہ ایچون ۲۰ غروشددر .

مرقای امتك مقالات منصوفانه لرینہ جریدہ
صوفیہ نك صحنه لری آچیتدر .

شمذیلک اون بش کونده بر نشر اولنور
محل اداره باب عالی جوارنده ابوالسعود جاده سندہ
نجم استقبال مطبعه سی

تصوفی ، دینی اخلاقی ، جریدہ اسلامیہ در

دوام اوزرہ شہوتدن انقطاع ایله مملکتی ده سزہ توصیه ایدرم
(قطع) کسمک و (قطع طریق) مثلی کچمک و (قطع لسان)
مثلی منع معنایینه در . بعض نسخده (قطع) مقامنده (ترك)
لفظی کوریلور اختیار ایندیگمز نسخه صحیح اولسه كرك چونكه
(ترك) اولسه (علی الدوام) قیدی بی لزوم قالیر همده اشاغیده
کله چکی وجهله (ترك هوا قوت پیغمبرست) (شهوة) برشینئ
سووب ا کامل ورغبت ایلک معناسنه ایسه ده عرفاً کافه آرزوی
نفسانی به اطلاق اولنور مطالب روحانی دکل .

(شهوت) لفظی آرزوی نفسانی ایله تفسیر ایشدک (نفس)
بر انسانک روح حیوانیمی و قالبی جسدی و ذاتی معنایینه اولوب
وجود انسانی بو عالمک اتندن ، اونندن ، طور اغندن ، طاشندن
شمسندن ، قرنندن و سائر موجوداتندن استفاده ایله حاصل اولدنی
جهتله کندنی جنس و نوعی اولان مخلوقاته مائل اولور . ازواق
علویه و لطائف غیبیه کندیسنگ مجهولی و لندیفندن اصلا بو جهته
مجد و ساعی اولمز . چونكه بیامز بو سیدن جناب رب العالمین
عبادینه مرحله انسانلردن روحانیه مستعد بر ذاتی انتخاب ایدوب
انی ملائک و اشارات غیبیه واسطه سیله عالم سفلیتدن تخلیص
واصل قرب هوبت ایلر وانی عبادینه ارسال و بعضاً کتاب جلیلی
ایله ده مؤید قیاب انلری ده خضیض مذلت بشریتدن اوج اعلائی
روحانی به استعدادلری مقدارنجه ارشاد ایلر .

جناب نیر اعظم لاهوت خاك پاك بشریدن بمضیسنه لطفاً
اشراق ایله هر برینه یکدیگرینه متفاوت صورتده بر ذره
عطف بیورمشدر او ذره نك کیفیت و کمیتی اصلی کی بحث و
ادرا کدن عالیدر .

اشته بوروح الهی ده کذا اصانه مائلدر بشریتدن عالم فنادن
حفظ آلمز فقط روح حیوانی به تعلق اولوب اوده نفس و هوا
و سائر قوا به مائل و لطفله انلره میل ایندیکی اکثریا واقع اولور
انسانلردن نبی کامل و انک ورهسنه تابع اولوبده روح الهیسی
درکات بشریسنه تابع و کندنده امانت اولان نور لایزالی
تحقیر ایلدیگندن طولانی یا بسبتون ضایع ایلر و یا نعیم وصالدن
بر خیلی زمان و یا کایاً دور اولور . كرك ارباب معالینك كرك
کروه اهل دنیانك انواع و طبقاتی تفصیل آریجه بر کتاب
اولور نور لایزالدن حصه یاب اولمیان کفسار بد کردار خارج
مجنندر .

تفصیلات مسروده دن اکلاشیله جفی وجهله (ارزی نفسانی)
نفسک بو عالم کوزینه کوزل کورینان کندنی همجنسی اولان
بر طاقم اشیادر . بو صورتله (ارزی نفسانی) بی (حب دنیا)
ایله تعریف ایده یلیرز . مابعدی وار

مقیقت عید

دانای حقیقی حضرت بهاول نه دیور .

ایس العید لمن ایس الجدید انما العید لمن آمن بالوعید
ایس العید لمن یتخیر بالعود انما العید لمن تاب ولا یعود
ایس العید لمن ركب المطایا انما العید لمن ترك الخطایا
ایس العید لمن نبی القصور انما العید لمن جهز القبور
ایس العید لمن جالس علی البساط انما العید لمن جاوز عن الصراط

ترجه

عید — لباس جدید کین ایچون دکل ، وعید الهی بی
بیلهن ایچوندر .

عید — عود ایله تروح بدن ایچون دکل ، توبه ایدوبده
بر دها عصبانه عودت ایتمن ایچوندر .

عید — آتارم بدینن ایچون دکل ، ترك خطایا ایله نفسانی
بدینن ایچوندر .

عید — آلایشلی کوشکار باپان ایچون دکل ، قرارگاه ابدیسی
حاضر لایان ایچوندر .

عید — قابا دوشکاردنه باتان ایچون دکل ، صراطی آسمان
کچه بیلهن ایچوندر .

عیده دائر اشعار پك آزدرد . اکثر بیسی ماتعلی اوله رقی تجلی
ایتمشدر . (لادری) اشارتلی بو بیت —

بعید شاد ازان نیستم که یار بعید

مباو هیچ کس از یار خود بعید بعید

مسرقتی افاده ایتمه یور . عید ایله شاد اولمادم چونکه یارمدم
جدایم دیدکدن صوکر شوبله دعا ایله یور .

اولماسین یار آمده کیمسه یار جانندن جدا

کاستان صاحبی سمدی حکیم —

فدای جان تو کرم فدا شوم چه شود

برای عید بود کوسفند قربانی

بیتابه قوج ، یار امک قربانیدر بنده سنک حیثانکه بدل فدای

جان ایتمم نه وار دیمش ایسه ده نسیمی —

عید اکبر در جلال عیده قربان اولور

آب کوژدر دوواغک کیم ایچرسه جان اولور

ترانه سیله بو مضمونی دها عالی بر صورتده سوبلشدر .

سمدی فارسی درجه سنده حائز فضیلت اولان سنجیه تحریرات

مدیر محترمی فیخر الادبا سمدی ترکی مزده بر عید بی شو وجهله

تصویر ایله یور :

روز عید اولدی کوکل بز بنه غملر طاشیرز

زور محشرده می بیام که کولر اویناشیرز

دل بایق ، سینه بایق ، کربه فزا دیده لرم
 همیز بر یره کلک بانارز آغلاشیرز
 غم بزم دسیمی بن دست غمی بوس ایدرم
 حزن و اندوه الله او پوشور صارماشیرز
 درد و غم عید غریبانه می تبریکه کلبر
 غم یرز زهر ایچرز ، آه ایدرز صیرلاشیرز
 فکر بوس لب لعلکله یوره کرن جاننا
 قان کیدر ، آتش هجرک ایله بایراملاشیرز
 ایکی غم دیده لرز باش باشه ویردک سعدی !
 دل زارم ایله بن سوبله شرز آکلاشیرز

شاعر آتشین نوا حضرت سیدینک آثار بر کزیده سی
 جریده صوفیه کورمک اشتیاقنده یز
 فقیرده شو صورنله عیده متعلق بر قطعه بازیبور .
 صفای سینه کی ابتدای تأیید
 لیالی قدر اولور ایامی هب عید
 حقیقی عاشق عیدی وصاله
 مجازی عیده باقاز اهل توحید

سری

تراجم

نزهت ابرار

عدد

۱۹

جلال الدین سیوطی

جناب سیوطی قدرت عامیه سیله بتون مؤلفین میاننده حائز
 قصب السبق بر تحریر بیدانی اولوب تألیفات عدیده سی حقیقه
 مخدرات علمیه دن صایلمغه شایان بر آبدۀ دها و عرفان اولدیفندن
 قدوة العالم اطلاقه بحق جسد بآدر . تألیفاتک عددآ کثرتی و
 عددآ اهمیت عظیمه سینه مبنی نام فضیلت انسانی اقطار جهانده حالا
 لسان تجیل ایله یاد ایدلکده در . موهبه ربانی اولان ذکای فوق .
 العاده سی سایه سنده علوم و فنون متداوله تک هر قسمی صیره سیله
 تدقیق ایدرک هر شعبه واصل قصوای کالات اولمش و خزینه
 علوم تعبیرینه احرری اولان آثار کزیده سنده صاحب استقصا
 اولدیفنی اثبات ابدۀ جک درجه ده واقفانه و مدققانه اجاله قلم
 ایشدر . الی یوزی متجاوز مؤلفات قیمندارینی پیش مطالعه
 النجه کندیلرینک نوادر فطرتدن و جهانبذه کلیدن اولدیفنی
 تسلیم ایتامک غیر قابلدر . مشارالیه حضرت تارینک بویه مختصر
 بر ترجمه حائنی اوقومق ایله درجه کالاتی تقدیر اولنه مازایسه ده

مؤلفانندن بر قسمی اولسون مطالعه اولدیفنی وقت علو فضل و
 وسعت احاطه سینه حیران اولماق ممکن دکادر . حتی کندیلری بیله
 (کتاب التحدیث بنعمة الله) نامنده کی اثرنده تحدیث نعمت یولنده
 فضل و کالاتی تعریف و بیان ایدرک مجد دین امر دیندن بولدیفنی
 اتیان ایشدر .

بو وجود نادر الموجود (۸۴۹) سنه هجریه سی رجینک
 برنجی بازار کبجه سی بعد الفروب برنج لایع کی کهواره وجوده
 ساطع اولدی . پدرلری طرفندن عبدالرحمن تسمیه اولنوب مؤخرآ
 جلال الدین تلقیب ایشدر . دها صوکرملری (قاضی القضاة
 عزالدین بن ابراهیم الکنانی الحنبلی) طرفندن فضیلت و کالاته
 فرید العصر اولان ذات فضائل سمائی (ابو الفضل) کنیه سیله
 تکتیه ایشدر که اک اول بو کنیه یی حضرت عباس رضی الله
 عنه المش اولدقارندن جناب سیوطی بونی مدار افتخار عدایدردی
 پدر عالیقدرلری صرف ، نحو ، منطق ، بیان بدیع فقه فرائض
 اصول فائزنده صاحب اقتدار مشایخ صوفیه دن شیخ مهم الدین
 اولوب مخدوم ذکات موسومک ناصیه عرفانده شمله دها
 مشاهده ایتسینه مبنی دها کوجکدن حقیقه فیضیاب تربیه و تعلیم
 اولسینه اعتنا ایدرک هنوز سکزیاشنده ایکن ختم قرآن ایتدیرمکه
 و صره سیله متون فنونی قوه حافظه سینه نقش ایتکه موفق اولمش
 ایدی . بعده شهاب الدین علی بن ابو بکر الشارح حاسی الشافعی
 و شیخ شمس الدین محمد بن موسی الحنفی کی متبحرین علمادان
 تدرس ایتمش و اوقودینی کتابلرده کی مسائل مشکله ک حلنده
 کوستردیکی اقتدار استادانه اولدیفندن شیخ شمس الدین خط
 دستیله محرر بر اجازنامه کنج شاکردینه ویرمشدر . مشغله
 تدریسات ارسنده دیگر فنونی مطالعه دن صرناظر ایتدیکندن نیجه
 کتب مفیده یی مشاهیر عصرندن تعلیم ایشدر .

تدریس و تدرسه ابراز مساعی ایلدکجه طبع عالیارنده کی
 فیض کال انبساط ایلدیکندن ارتق تألیفاته یراعه زن ابتدار اولورق
 منظوم و منثور بعض آثار میدانه کثیرمشدر . بعده افتا و تدریس
 علوم ایچون قاضی القضاة شیخ الاسلام علم الدین صالح البلقینی دن
 (۸۶۶) سنه سنده بر اجازنامه آیشدر . بوندن بویه تعلیم
 برافهرق صرف طریق تعلیمه حصر اوقات ایش ایشده سینه
 توسیع معلومات ایچون مساعیدن کبرو قلیوب استاد کل عنوانی
 احراز ایتمش اولان فحول علمادان استفاضه ایش و مصر و
 حجاز و سوریه علماسندن دخی اجازنامه لر ایشدر . بویه لجه سر
 آمدان فضیلا دن فیضیاب کالات اولدیفنی کی نیجه بلغانک دخی
 بحق مدوحی اولمشدر .

ساحه علم وفنک یکررانی اولان جناب سیوطی واصل قصوای
 کالات اولدیفنی صره ده حجاز مغرت طرازه کیتمش وعودنده